



EUROPEAN COURT OF HUMAN RIGHTS
COUR EUROPÉENNE DES DROITS DE L'HOMME

PRVO ODJELJENJE

ODLUKA

Predstavka br. 51098/22
Radojka GARDAŠEVIĆ
protiv Crne Gore
(vidjeti tabelu u prilogu)

Evropski sud za ljudska prava (prvo Odjeljenje), na zasijedanju Odbora od 23. januara 2025. godine, u sastavu:

Erik Wennerström, *predsjednik*,

Georgios A. Serghides,

Alain Chablais, *sudije*,

i Viktoriya Maradudina, *postupajući u svojstvu zamjenika registrara Odjeljenja*,

Razmatrajući gore navedenu predstavku podnijetu 19. oktobra 2022. godine,

Razmatrajući izjašnjenja koja su podnijele strane u postupku,

Nakon vijećanja, odlučuje kako slijedi:

ČINJENICE I POSTUPAK

Podaci o podnositeljki predstavke navedeni su u tabeli u prilogu.

Podnositeljku predstavke je zastupao g-din M. Vojinović, advokat iz Nikšića.

Pritužbe podnositeljke predstavke na osnovu člana 6 stav 1 Konvencije u vezi prekomjerne dužine trajanja postupka pred Ustavnim sudom komunicirane su Vladi Crne Gore („Vlada“).

PRAVO

Vlada je obavijestila Sud da je odluka Ustavnog suda donijeta u postupku koji se razmatra u ovom predmetu uručena advokatu podnositeljke predstavke 8. juna 2022. godine. Vlada je pozvala Sud da odbaci predstavku kao neblagovremenu. Podnositeljka predstavke je osporila ovu činjenicu.

U predmetu koji se odnosi na dužinu trajanja postupka pred Ustavnim sudom, kao što je to slučaj u ovom predmetu, rok od četiri mjeseca za podnošenje predstavke Sudu počinje da teče od dana uručenja odluke koju je Ustavni sud donio u tom postupku (to jest, od kada je podnositeljka predstavke saznala da je konkretan postupak pred Ustavnim sudom okončan). Ukoliko je odluka uručena advokatu

ODLUKA GARDAŠEVIĆ protiv CRNE GORE

podnosioca predstavke, a ne podnosiocu predstavke, kao što je to slučaj u konkretnom predmetu, rok počinje da teče od dana kada je odluka uručena advokatu podnosioca predstavke, bez obzira na činjenicu što je podnosilac predstavke kasnije saznao za tu odluku (vidjeti, na primjer, *Pejić protiv Hrvatske* (odl.), br. 66894/01, 19. decembar 2002. godine).

U konkretnom predmetu, s obzirom na dokaze koje je dostavila Vlada, Sud utvrđuje da je advokat podnositeljke predstavke primio relevantnu odluku 8. juna 2022. godine. Podnositeljka predstavke je podnijela predstavku Sudu 19. oktobra 2022.

Na osnovu toga, predstavka je podnijeta neblagovremeno i mora biti odbačena u skladu sa članom 35 stavovi 1 i 4 Konvencije.

Iz ovih razloga, Sud, jednoglasno,

Proglašava predstavku neprihvatljivom.

Sačinjeno na engleskom jeziku i objavljeno u pisanoj formi 13. februara 2025. godine.

Viktoriya Maradudina
postupajući kao zamjenik registrara

Erik Wennerström
predsjednik

ODLUKA GARDAŠEVIĆ protiv CRNE GORE

PRILOG

Predstavka u kojoj su iznijete pritužbe na osnovu člana 6 stav 1 Konvencije
(prekomjerna dužina trajanja postupka pred Ustavnim sudom)

Broj predstavke Datum podnošenja	Ime podnosioca predstavke Godina rođenja	Početak postupka	Okončanje postupka	Ukupna dužina trajanja postupka Nivoi nadležnosti
51098/22 19. oktobar 2022. godine	Radojka GARDAŠEVIĆ 1960	24. jul 2018. godine	7. april 2022. godine, Odluka uručena podnositeljki predstavke 8. juna 2022. godine	3 godine, 8 mjeseci i 15 dana 1 nivo nadležnosti